



釋迦

俗語講：「好𦵏菜一步燒，好𦵏查某一步笑。」燒烙燒烙的菜，滋味上好；笑 bi-bi 的面上燦。啊對果子的要求是啥？當然是甜度！買果子的人攏會問講：「有甜無？」紹介一味包甜的果子——釋迦。若講著釋迦，一定會想著臺東，若食過釋迦的人就知影啥物叫做甜！釋迦有佢甜？夭壽甜，所以英語名規氣號做『sugar apple』。釋迦毋但是好食爾爾，有美國專家講，釋迦是抗癌效果上好的果子。毋但臺灣四界攏有咧賣，真濟來遊覽的中國遊客食了攏真恰意，所以這馬嘛有外銷去趁人民幣。

阮是佇釋迦園大漢的，逐年寒人看釋迦欖「剃光頭」。剃光頭就是共葉仔用掉，細枝桠剪予斷，大枝桠鋸予較短，傷過長的桠愛用索仔縛石頭共揸拗曲，上尾變做一枝雨傘形的骨架。每一枝老桠頂懸是一搭一搭親像重重疊疊的臭焦疔，揣無一跡金滑的所在，看著親像無性命的死人骨頭。毋過春天若到，新穎就會對空喙的接縫發出來，繼落來生葉、開花、結果。俗語講：「芥菜無剝毋成欖，囡仔無教毋成人。」釋迦按呢予人共刑、予人共雕，有影生出上蓋甜的滋味。

釋迦佇後山的山坪、溪埔、石頭仔地倚起，毋驚瘦塗、毋驚洇旱，逐年勇敢重生，予人豐收的向望，伊的一生攏是奉獻。寒人的時，樹仔跤蔭影的所在會發出幼麵麵的烏甜仔菜。死去的釋迦欖嘛袂挖掉，當做棚仔種菜瓜、醃瓜，替厝裡三頓加菜。釋迦牟尼佛講：「樹是無限慈悲體的化身。」樹仔對人類的幫助真正有夠濟，釋迦欖應該是其中上蓋慈悲的。要求少，回報濟。臺東真好運，真濟作穡人靠伊食穿。

較早人講：「毋捌食過豬肉嘛捌看過豬行路」，明明就興食甲欲死閣毋甘食。種釋迦的人就無全矣，若是拄著透燒風，原本會當採收的釋迦果一下就軟去，當然無法度寄行口；若是雄雄摔大雨，大粒的釋迦就代先必了了。燒瓷的食缺，袂當趁錢就趁食，心肝頭淡薄仔苦楚，嘛只好靠喙裡甜物物的釋迦來安慰！

作者：後山人

☆詞彙學習☆

【規氣】kui-khì：乾脆。做事直接乾脆，不拖泥帶水。

【趁】thàn：賺取。

【金滑】kim-kut：光亮滑潤。

【空喙】khang-tshuì：傷口。

【雕】tiau：拗、折物品使之彎曲。

【洇旱】khó-huānn：大旱、旱災。

【幼麵麵】iù-mī-mī：細嫩。

【必】pit：東西產生裂痕。

【燒瓷的食缺】Sio-huî--ê tsiàh khih：比喻商人為了賺錢，捨不得用自己製造的好產品，而使用較無價值的瑕疵品。